

եղև թէ որպէ՛ս կատարէին Հայք զպաշտամունս իւրեանց յայրի անդ, եւ թէ՛ որպէ՛ս խորտակեցին Լատինք զբարանն եւ զարկըն, այլովքն հանդերձ, եւ թէ՛ զիա՛րդ հրամայէր Արքայ ՚ի հրովարտակին՝ քստ վճռոյ մեծի դենպետին գնել եւ զետեղել զիւրաքանչիւր կահս ՚ի տեղի իւրում. և քստ սովորութեան կատարել զպաշտամունս: Յետ ընթեռնելոյ զայս ամենայն յատենի անդ, պատուեր ետ դատաւորն Լատինաց և Յունաց չընդգիմանալ Հայոց վասն Պատարազի և այլոց իրաց. եւ ևս կատել անդրէն զերկուս կանթեղս ՚ի տեղւոջ իւրում, առաջի Յոյն եւ Լատին փոխանորդաց. ՚ի Վ Սէֆէր ամսոյ, Վ օօ (1645):

Ահա այսպէս Գրիգոր Պատրիարք Պարսն Տէր կոչեցեալ, զորոյ զպատմութիւնն փոքր ՚ի շատէ գրեցաք, տառապեալ ՚ի հոգեւտանջ դատաստանական խնդիրս և ՚ի բազմայոյզ վճա ընդ օտարազգիս, սիրով զեզերեալ ՚ի դժբունս այլազգեաց և այլոց. վաստակարեկ և խոնջ, նեղութեամբ և առայտանօք շինեաց և նորոգեաց զվանօրայս և զեկեղեցիս Հայոց յերուսաղէմ և ՚ի սահմանս նորա, բազմացոյց ՚ի նոսա զիրօնաւորս զարդարեալս առաքինական վարուք, ՚ի պաշտօն փառաբանութեան Աստուծոյ, քստ կանոնի Ս. Հարց՝ ժողովեաց զբազում Ս. Գիրս, և սայր գրել որոց յաջողակ էին ՚ի գրչութեան. տեսեալ ժողովքոց զբարեկրօն վարս և զցանկալի բարեկարգութիւնս նորին, զուարթանային ՚ի տուրս և չխնայէին ինչ ՚ի նմանէ, որ և ՚ի սոյն ամի՝ ասէ, յիշատակարանն, ետուն ՚ի ձեռս նորա և բուն ոսկւով Աստուածաշունչս: Եւ ՚ի բերոց այգեաց՝ զորս գնեաց, մխիթարէր զմիարանս և զուխտաւորս, ժիր և արթուն ՚ի հոգեւոր պաշտամունս՝ հաւասար ընդ միարանս, սակաւապէտ և անպաճոյճ, հետիոտս չրջելով յամենայն տեղիս. ունէր ընդ իւր խորհրդակից և աջակից ՚ի գործս զՄովսէսի Կարապետ վարդապետ՝ այր առաքինի և սրբատէր վարուք, և չրջէր յամենայն քաղաքս և ՚ի գեօղքս Հայոց՝ և լուսաւոր վարդապետութեամբ մխիթարէր զհաւատացեալս, և զնուէրս նոցա առաքէր յերուսաղէմ ՚ի ձեռս աշակերտաց իւրոց, և երբեմն ինքն տանէր: Այսպիսի առաքինական բարեգործութեամբ զարդարեալ վաստակաւոր մշակն և արթուն հովիւն հոգեւոր բանաւոր